

北極紫微大帝救劫真經

台南市 道教 玉皇玉聖宮 恭印

北極紫微大帝救劫真經

香讚

香焚寶鼎。炁達先天。威光烜赫接祥煙。
降鑒此心虔。展讀靈篇。擁護仗雷鞭。

太上皈命禮香林說法大天尊（三稱）

水讚

先天真水。淨洗靈臺。楊枝一滴灑塵埃。
凡境即蓬萊。滌穢消災。香林法界開。

太上皈命禮蕩魔解穢大天尊（三稱）

淨三業咒

身中諸內境 三萬六千神 動作履行藏
前劫並後業 願我身自在 常住三寶中
當於劫壞時 我身常不滅 誦此真文時
身心口業皆清淨

淨壇神咒

太上說法時 金鐘響玉音 百穢藏九地
群魔護騫林 天花散法雨 法鼓振迷沈
諸天膺善哉 金童舞瑤琴 願傾八霞光
普照皈依心 說法大法稿 翼侍五雲深

安土地神咒

元始安鎮 普告萬靈 嶽瀆真官 土地祇靈
左社右稷 不得妄驚 回向正道 內外澄清
各安方位 備守家庭 太上有命 搜捕邪精
護法神王 保衛誦經 皈依大道 元亨利貞

淨天地神咒

天地自然 穢氣分散 洞中玄虛 晃朗太元

八方威神 使生自然 靈寶符命 普告九天
乾羅答那 洞罡太玄 斬妖縛邪 度眾萬千
中山神咒 元始玉文 持誦一遍 卻病延年
按行五嶽 八海知聞 魔王束手 侍衛我軒
凶穢消散 道炁長存

金光神咒

天地玄宗 萬炁本根 廣修萬劫 證帝神通
三界內外 惟道獨尊 體有金光 覆映帝身
視之不見 聽之不聞 包羅天地 養育群生
誦持萬遍 身有光明 三界侍衛 五帝伺迎
萬神朝禮 役使雷霆 鬼妖喪膽 精怪亡形
內有霹靂 雷神隱名 洞慧交徹 五炁騰騰
金光速現 覆護真人

北極紫微大帝聖誥 虔心皈命

大羅天闕。紫微星宮。尊居北極之高。位正中天之上。萬
星教主。職司五嶽。北極大聖。中天至尊。佛號金輪熾
盛。道稱玉斗玄尊。消人間災禍。除世上善惡之名。垂
恩濟眾。並理三曹。權衡七政。歷劫度人。仁慈感應。普
化萬靈。大悲大願。大聖大慈。

無極元皇萬星教主北極紫微大帝（三稱）

宇宙主宰元始天王聖誥 虔心皈命

無極聖祖。妙化上人。聖德巍峨。祖炁煌煌。混沌未開之
初。氤氳幻育之時。虛虛幻幻。赫赫冥冥。受大自然之
鼓盪。感萬億重之梵炁。孕育仙人。開天聖皇。萬法祖
師。靈傳劍宗。化三清而誕育五老。統萬靈而生天生
地。處處通靈。生物生人。作宇宙萬靈之主。為仙凡普
度之師。運玄機以合陰陽。施妙法而參造化。道冠無
極。功臻先天。大悲大願。至聖至仁。開天始祖。萬法祖
師。玄玄上人。三期普度。

無極聖祖元始天王至聖大至尊

萬星教主。北極聖真。慈悲救劫度黎民。
災劫化爲塵。福祿駢臻。大地現瑞雲。

太上皈命禮北極紫微大天尊（三稱）

開經偈

真經虔朗誦 香煙達上蒼

山川呈瑞炁 星斗燦毫光

佛聖消禍劫 星宿降吉祥

四時無災難 八節保安康

北極紫微大帝救劫真經

中垣聖主。位鎮北極。五帝之座。萬象之尊。佛果仙宗。道
啓昌隆。歷劫救人。威德無窮。凡人持誦。必須虔誠。有
求皆應。無類不成。祈福福至。釀災災消。永無剋害。咸
霑吉慶。

大帝曰。乾者健也。陽中之性。而帶剛也。坤者順也。陰中
之性。而帶柔也。陰陽未分。天地之體。命而爲一。清濁
不分。故曰混沌。混沌者無極也。無極不分陰陽。無極
而生太極。太極元炁。始分陰陽。動者屬陽。動極則靜。
靜者屬陰。靜極而動。陰動生陽。陽靜生陰。一動一靜。

陰陽始分。天地開闢。乾坤定矣。輕清之炁爲天。天開
於子。重濁之炁爲地。地闢於丑。清濁混合爲人。人生
於寅。故所謂三才者。天地人也。三光者。日月星。日本
太陽之精英。月本太陰之磷魄。故曰主陽而月主陰。

陰體寒而陽光燄。日精熱而月魄明。兩輪相轉。光照
乾坤。東出西落。循環不息。玉兔黑夜常明。功徧四方。
金烏白晝長輝。恩施十地。太陽主眾陽之剛。稟乾德
之道。化育萬類。普照乾坤。百穀賴以栽培。群生仰其
眷顧。功德無窮也。太陰主群陰之柔。秉坤儀之順。慈
悲廣大。光輝大地。草木藉其化育。萬物仰荷生成。恩
惠無量也。日月之惠。如同天地。當知敬奉。以報洪恩。

乾天屬陽。坤地屬陰。天以陽炁下降。地以陰炁上昇。銀漢之水。結而爲星。者陽也。山岳之精。鍾而爲星。者陰也。周天三百六十五度。內有八萬四千星辰。日月得道炁以光明。星辰得玄精以照耀。運四時而別寒暑溫涼。照六合而分晝夜朝夕。三光一體而經天緯地。二炁兩分而育物生人。北極爲造化之樞紐。眾星拱之。南極爲人身之主宰。萬民賴之。天上星辰。權衡萬物。上仰諸天之命。下察塵寰之事。到處以救劫。隨方以度人。監察無私而照人之本命。稽查至正而衛人之元神。或主化育生機。昭蘇萬類。或主昇平氣象。世運昌隆。或主陶魂鑄魄。傳秩延齡。或主陰府是非。除災解厄。變理人間之善惡。權衡世上之吉凶。日月如天之耳目。星辰如人之氣神。吉星照人命宮。命運必通。惡曜降人宅舍。家道必敗。欲得三星拱照。務宜積善。要求五福臨門。應知修功。天上眾星。宰御善惡。夜燦中天。晝明廣府。司造化之權。主善惡之柄。星與日月以循環。照人榮枯之炁數。神同乾坤之主宰。鑒世善惡以分明。星斗行空。光輝大地。軌道順行。古今無差。高居虛空。循環有準。古之道人。能觀炁數。觀星象。得驗吉凶。望斗罡。能知禍福。天地雖遙。而炁有相通。光照天下。而神有互感。一切災劫。從天而降。萬般罪業。由人所作。日昏月蝕。皆不祥之兆。人心正直。體天道。則日月光明也。陽變陰逆。亦惹禍之機。世道公平。風俗純。陰陽和順也。風雲霜雪。不遵八節而降。則萬物定遭災殃。燥溼寒暑。不守四時以變。則群生必受禍愆。星辰爲天地之炁。大放慈光。則風調雨順。雨露爲造化之精。宏施膏澤。則國泰民安。國家昇平。則諸星降福。世界擾亂。則列宿施災。諸星慈悲救劫。列宿博愛度人。世人能守五德。以合五行。自得吉星。普照命宮。家道昌隆。永霽吉慶。獲福無窮也。天地以陰

陽五行。化生萬物。聖賢以綱常五德。教化萬民。天有五行。金木水火土也。人有五德。仁義禮智信也。修五德以合五行。運五行以合五德。東方甲乙木。仁之德也。南方丙丁火。禮之德也。中央戊己土。信之德也。西方庚辛金。義之德也。北方壬癸水。智之德也。仁者蘊為中和之氣。發為惻隱之心。所謂樂善好施。廣種陰鷲也。義者不偏之理。不易之機。所謂心存正氣。至公無私也。禮者人之模範。世之儀表。所謂待人必守威儀。處世克敦禮貌。崇聖敬神。尊師重道也。智者靈明洞微。聰明智慧。所謂不用巧計。不用機謀。明知人之欺我。不理之。深識事事詐我。謹防之。信者言之有信。行之有果。非信不能樂道修身。非信不能立業成家。所謂正心誠意。以達其道也。人生必以仁義為本。禮智為根。信實為用。業障久能消除。福果自得咸集也。唯是五常之德。關於國家亦大。堯帝德被蒼生。舜帝恩霽黎庶。謂之道德之運也。禹王治水。地平天成。澤徧群倫。國泰民安。謂之仁運也。湯武伐暴。以道濟眾。謂之義運也。周公制禮。文明肇啓。謂之禮運也。春秋戰國。楚漢分爭。殺氣沖天。干戈四起。人民塗炭。慘不可聞。謂之智運也。智運漸終。信運初萌。聖賢勸人。存信修睦。克敦五常。信實為崇。不存詐偽。抱有真誠。道徧大同。天下太平矣。信者四端之經也。天無信則萬物不育。人無信。則萬惡逆生。人受五行以生。以土為主。故培土以養金。人得五德以活。以仁為綱。故存仁以復禮。修養仁義禮智信。五德之道。去邪存正。養中制外。道德崇高。靈光顯現。則天地感其德。錫其心身安泰。福壽綿長。子孫興旺。違背仁義禮智信。五德之道。飽食終日。非為妄作。陰德虧損。言行無實。久之罪惡盈滿。不但身家受害。或壽元消滅。且殃及子孫。天上明星。各居其所。或在銀漢。或在天河。或受北辰之

主轄。或屬南極之權衡。施轉周天。照耀乾坤。七政分職。三才共理。權掌世人之性命。主司萬物之生成。眾生所在之處。藉斗曜光輝。生五穀以養蒼生。萬物生長之方。受星辰照耀。潤十方而滋萬物。眷顧四海。庇祐十方。良時則吉星下降。凶日則惡曜來臨。故欲起基修造。動土上樑。入殮出葬。必知慎重。凡要祈福求嗣。訂盟嫁娶。入宅安香。亦莫看輕。修造動土者。九壘七煞日當忌。犯者必傷。官符訴訟者。赤口白舌日宜禁。逆者必害。欲求添福。宜要赦罪。欲延壽齡。更須放生。星有三臺。生我護命。養我護身。斗有七元。注人延壽。披眾消災。北斗七星。權衡造化。閉人死戶。開人生門。南斗六宿。統御物類。延人壽算。解人災厄。星有炁則光。其光者。陽之極也。星無炁則暗。其暗者。陰之蔽也。兩極星君。高懸中天。格外燦爛。三垣星君。拱照九野。更加光輝。人若行善。福星護之祐之。人若為惡。凶星罰之滅之。南斗位列離宮。司延生錫福之權。慈悲廣大。北斗職居坎府。司消災解厄之柄。威德無窮。東斗赦人罪過。西斗紀人功名。中斗總監大綱。統理蒼生禍福。東有蒼龍以消劫。西有白虎以避兵。南有朱雀以逐穢。北有玄武以除凶。中有大魁以錫福。照世無私分吉凶。織女列於天河。牽牛居於銀漢。左有長庚。右有啓明。而流星慧星孛星彗星兆於殃。而景星福星祿星徵於祥。三星耀於東。保衛江山。商星映於西。擁護社稷。讀書求上進。仰大魁星君之栽培。為官希榮陞。荷文昌星君之眷顧。男值羅喉星君之管制。女值計都星君之管轄。天一星動。兵革水旱必到。太乙星移。饑饉疫癘將臨。啓竅之宿。指妙開玄。文曲之星。添慧益智。三垣至尊。痼瘕萬類。有三萬六千星童。化劫消災。有七千二百神將。安良除暴。星辰衛人身。形。陶魂鑄魄。常霑雨露之恩。功莫大焉。斗宿保人性。

命。注秩延齡。恩施法雨之惠。德至高矣。星道之精華。貫乎大道之秘奧也。修道者宜學之。四時運轉五行。三才配合八卦。皆在陰陽之中。不離性命之內。星光照合人身。人身運轉妙道。純一炁。運兩儀。列三才。分四象。修身之綱領也。察五行。定六炁。聚七寶。參八卦。樂道之妙諦也。斗柄東指。禪理自明。躔次西度。玄功自足。以肝爲龍。以肺爲虎。陰陽藉以變通。以坎爲鉛。以離爲汞。水火藉以交濟。以金木水火土爲妙藥。以仁義禮智信爲內丹。奪天地之正炁。運日月之精英。以無極爲體。以兩儀爲用。久之水火相濟。坎離相通。大則丹成。小則壽延。人身猶如天地。修煉可以長生。參陰陽之理。悟造化之機。修其心。五炁藉以調元。養其性。三花並得聚頂。天上之星辰。人生之五行。無不配合陰陽旋轉。善養吾靈。修持天性。道人精微。玄通造化。仙體自成。聖胎便結。庶幾有所得也。

大帝說經已畢。天佈五彩祥雲。地擁百層瑞炁。三界鬼神。邪魔外道。悉皆皈依。揖禮而退。深願善信。廣爲流傳。珍之敬之。永爲家寶。

朝夕虔誦。宅舍光輝。

解厄誦此經。三災八難永離身。

有病誦此經。身安病除災不侵。

士人誦此經。官運好前程。

農人誦此經。五谷自豐登。

工人誦此經。作工百藝精。

商人誦此經。利益加倍增。

一家祈禱。一家平安。萬戶消災。萬戶感應。能致福於無窮。能招財於不盡。經功圓滿。大降吉祥。星光普照。人口安寧。

偈曰

星道精華露世知

權衡善惡禍福施

三期大帝憐赤子 格外恩施闡經書

收經讚

北極大帝威德無邊。星光普照利人天。
錫福並延年。赦罪消愆。瑞貫宮殿。

太上皈命禮北極紫微大天尊（三稱）

迴向文

願以此功德 普及眾生靈 消災並卻病
本命獲安寧 一切諸厄難 欣喜滅無形
行善存宏願 門庭瑞炁生

虔誠聖經 如神心身 恭印處：道教 玉皇玉聖宮

應瞭經意 修身養性 宮址：台南市北區和緯路二段三七二號

眾生同行 印證悟行 電話：（〇六）二八一〇七三二（代表號）

永沐聖恩 紫府同登 傳真：（〇六）二八一〇七三三

E-mail：fcyb.fc@msa.hinet.net

玄妙經典 渡己渡眾 網址：<http://www.yuhlonggong.com>

道炁常存 共宣翻印 道曆四七一〇年端月恭印